

Na osnovu člana 79. stav 1. tačka 1) Zakona o matičnim knjigama („Službene novine Federacije BiH“, br. 37/12 i 80/14), federalni ministar unutrašnjih poslova-federalni ministar unutarnjih poslova donosi

UPUTSTVO O IZMJENAMA I DOPUNAMA UPUTSTVA O NAČINU VOĐENJA MATIČNIH KNJIGA

1. U Uputstvu o načinu vođenja matičnih knjiga („Službene novine Federacije BiH“, br. 51/13, 55/13 i 82/13) u tački 1. iza broja „37/12“ dodaju se riječi „i 80/14“.

2. U tački 3. iza stava 1. dodaje se novi stav 2. koji glasi:

„Upis državljanstva Bosne i Hercegovine i državljanstva Federacije u matičnu knjigu rođenih, kao i upis državljanstva Federacije u matične knjige državljana – Obrazac broj 2, Obrazac broj 2A i Obrazac broj 2 B vrši se u skladu sa odredbama Pravilnika o postupku sticanja i prestanka državljanstva Federacije Bosne i Hercegovine, promjeni entitetskog državljanstva i naknadnom upisu u matičnu knjigu rođenih („Službene novine Federacije BiH“, broj: 108/12- u daljnjem tekstu: Pravilnik o državljanstvu).“

3. U tački 4. stav 2., na kraju teksta tačka se zamjenjuje zarezom i dodaju riječi: „pri čemu se postupa i po odredbi člana 2. stav 3. Zakona“.

4. U tački 8. alineja 3, mijenja se i glasi:

„- samo određena pitanja koja se odnose na državljanstvo, a koja su Zakonom o državljanstvu Federacije Bosne i Hercegovine („Službene novine Federacije BiH“, br. 43/01, 29/09 i 65/11) i Pravilnikom o postupku sticanja i prestanka državljanstva Federacije Bosne i Hercegovine, promjeni entitetskog državljanstva i naknadnom upisu u matičnu knjigu rođenih („Službene novine Federacije BiH“, broj 108/12) stavljana u nadležnost kantonalnog ministarstva;

U alineji 11. riječi „50. stav 2.“ zamjenjuju se riječima „50a.“.

5. U tački 9. alineja 11. riječi „st. 2. i 3.“, zamjenjuju se riječima „st. 4. do 7.“

Iza alineje 11. dodaje se nova alinaja 12., koja glasi:

„- obaveza postupanja po odredbama člana 72. st. 1. do 3. Zakona.“

6. U tački 10. alinaja 2., briše se.

U alineji 6. naziv Pravilnik o jedinstvenoj strukturi mijenja se i glasi: „Pravilnik o organizaciji i funkcionisanju jedinstvene strukture elektronske baze podataka matičnog registra u oblasti matičnih knjiga („Službene novine Federacije BiH“, broj: 33/14).

U alineji 9. riječi „stav 3“ zamjenjuje se riječima; „st. 5. do 7.“

7. Iza tačke 13. dodaje se nova tačka 13a., koja glasi:

„13a. Obavljnje poslova iz tač. 12. i 13. ovog uputstva, organizuju rukovodioci službi za matične knjige općine i grada na koje se odnose izvršene promjene područja za vođenje matičnih knjiga i oni su odgovorni za pravilno i blagovremeno obavljanje tih poslova.“

8. U tački 15. podtačka a) iza stava 2. dodaje se novi stav 3., koji glasi:

„Kad se zaključi osnovni upis više se u rubrike osnovnog upisa ne mogu upisivati nikakvi podaci niti činjenice, pa ni u slučaju ako je neka rubrika ostala prazna (nije upisan podatak), već se svi novi podaci upisuju u rubriku „Naknadni upisi i zabilješke“ prema odredbi podtačke b) ove tačke, jer spadaju u naknadni upis“.

U podtački b) broj „65“, zamjenjuje se brojem „65a“.

9. U tački 18. stav 2. u prvom redu uvodne rečenice iza riječi: „Zakona“, dodaju se riječi: „ili ovog uputstva“.

Tačka d) mijenja se i glasi:

„d) vođenje postupka i donošenje rješenja u postupku identifikacije lica nadležnost se određuje prema članu 50a. stav 4. Zakona i druge odredbe Zakona i ovog uputstva u kojima je utvrđena mjesna nadležnost matičara za pojedina pitanja.“

10. U tački 19. stav 4. mijenja se i glasi:

„Ako tokom upisa činjenica u matičnu knjigu u okviru osnovnog upisa ne postoje dokazi za određene činjenice, te rubrike ostaju prazne, pa se te činjenice upisuju u rubriku „Naknadni upisi i zabilješke“ u okviru naknadnog upisa kako je utvrđeno u tački 15. stav 3. ovog uputstva“.

11. U tački 26. st. 2. i 3. mijenjaju se i glase:

„Kada se radi o dokazima za činjenice koje su upisane u matične knjige koje vode matičari sa područja drugih općina ili grada, a stranka nije od tih organa pribavila izvod ili uvjerenje o činjenicama koje treba upisati u matičnu knjigu, u tom slučaju dokaz o tim činjenicama po službenoj dužnosti pribavlja matičar.

Pribavljanje dokaza po službenoj dužnosti prema st. 1. i 2. ove tačke, vrši se putem matičnog registra općine i grada za sve matične knjige sa područja iste općine i grada, a za podatke iz matičnih knjiga iz stava 1. ove tačke (druge općine i grad), potrebni dokazi se pribavljaju putem Centralnog matičnog registra iz Federalnog ministarstva. Ovaj registar se koristi na način utvrđen u Pravilniku o organizaciji i funkcionisanju jedinstvene strukture elektronske baze podataka matičnog registra u oblasti matičnih knjiga („Službene novine Federacije BiH, broj: 33/14).“.

Iza stava 3. dodaje se novi stav 4. koji glasi:

„Za podatke i činjenice koje se pribavljaju prema stavu 3. ove tačke, matičar ili drugo službeno lice sastavlja službenu zabilješku na način utvrđen u stavu 1. ove tačke i ta zabilješka

predstavlja dokaz o tim činjenicama, s tim što se stranka mora upoznati o utvrđenim činjenicama kako bi potvrdila ili osporila njihovu tačnost.“.

12. U tački 27. iza stava 2. dodaje se novi stav 3., koji glasi:

„Ako je u matičnu knjigu naziv naseljenog mjesta upisan na dva ili više različitih naziva, u tom slučaju u matične knjige se upisuje naziv tog mjesta koji je utvrđen u zakonu iz stava 1. ove tačke.

Promjena pogrešno upisanog naziva naseljenog mjesta u matičnoj knjizi, vrši se rješenjem koje po službenoj dužnosti donosi rukovodilac matične službe općine i grada, stim da to rješenje može obuhvatiti sva lica koja su upisana u matičnom uredu za koje se vode te knjige.

Rješenje iz stava 4. ove tačke sadrži ime i prezime lica za koja se vrši promjena naziva naseljenog mjesta i matična knjiga u kojoj se vrši ta ispravka.

13. U tački 30. stav 4., na kraju teksta broj „56“, zamjenjuje se brojem „56a.“

14. U tački 31. stav 2. mijenja se i glasi:

„Prilikom upisa rođenja djeteta u matičnu knjigu rođenih, matičar je dužan roditelja djeteta, odnosno staratelja djeteta, koji prijavljuje rođenje djeteta upoznati o pravu da može odrediti nacionalnost djeteta ili ne želi odrediti nacionalnost. Izjava tih lica uzima se na zapisnik, s tim da se roditelj djeteta odnosno staratelj potpisuje punim imenom i prezimenom i upisuje JMB. Ako je određena nacionalnost, onda se ona upisuje u rubriku predviđena za nacionalnost u Prijavi za upis rođenja djeteta (Obrazac broj 14), a ako nije određena u tu rubriku se upisuju riječi da se neće odrediti nacionalnost, s tim što u rubrici „Napomena“ treba upisati zabilješku da su roditelji odnosno staratelj izjavili da ne žele odrediti nacionalnost djeteta.“.

Stav 3., briše se.

U stavu 6. riječi: „može se dati pismeno i lično potpisana ili data na zapisnik“, zamjenjuju se riječima: „mora se dati lično na zapisnik“.

Iza stava 6. dodaje se novi stav 7. koji glasi:

„Na osnovu zahtjeva iz stava 5. i izjave iz stava 6. ove tačke, matična služba općine i grada donosi rješenje o upisu nacionalnosti u matičnu knjigu rođenih i na osnovu tog rješenja nacionalnost se upisuje u rubriku „Naknadni upisi i zabilješke“, što se vrši na način utvrđen u tački 38. ovog uputstva.“.

15. U tački 32. stav 4. iza riječi : „u matičnu knjigu“ dodaju se riječi: „ili za isto lice postoje određena dva ili više različitih JMB“.

16. U tački 36. iza stava 2. dodaje se novi stav 3., koji glasi:

„Osnovni upis u matičnoj knjizi rođenih može se zaključiti tek nakon što se upiše lično ime djeteta (ime i prezime) u tu matičnu knjigu.“.

17. U tački 40. stav 4. u prvom redu riječ „donose“ zamjenjuje se riječju „odnose“.

18. U tački 49. stav 1. broj „56“ zamjenjuju se brojem „56a.“, a riječi „50. stav 1.“ zamjenjuju se brojem „50“.

19. U tački 50. stav 1. mijenja se i glasi:

„Ispravljanje podataka u matičnim knjigama iz tačke 49. ovog uputstva postoji onda kada se utvrdi da u matičnim knjigama postoji neki od slučajeva utvrđenih u članu 47. stav 1. Zakona, pa je potrebno utvrditi koji je podatak pravilan i koji treba biti važeći i upisan u matičnu knjigu, a da se ostali podaci koji nisu pravilni ponište.“

U stavu 3. prva rečenica se mijenja tako da glasi:

„Ispravka podataka iz stava 1. ove tačke vrši se na osnovu rješenja ili sudske odluke koje budu donešene prema članu 47. stav 2. Zakona, a utvrđivanje činjenica se vrši u skladu sa odredbama stava 2. ove tačke i odredbama člana 47. Stav 3. Zakona.“

20. Tačka 54. mijenja se i glasi:

„Odredbe člana 50. st. 3. i 4. Zakona o izmjenama i dopunama Zakona o matičnim knjigama („Službene novine Federacije BiH“, broj:80/14) primjenjuju se u okviru odredbi člana 50a. tog zakona, kao jedinstvena cijelina.

Za utvrđivanje činjenica iz odredbe člana 50a. stav 1. Zakona vodi se jedinstveni upravni postupak i donosi jedno rješenje, s tim što se mora prvo utvrditi identitet lica, a nakon toga se utvrđuje lično ime tog lica koje će biti važeće i koje će biti upisano u matičnu knjigu rođenih, a ostala lična imena moraju biti poništena.

Utvrđivanje činjenica iz stava 2. ove tačke, vrši se na pismeni zahtjev stranke koji se rješava na način utvrđen u odredbi člana 50a. stav 2. Zakona. Stranka je dužna u svom zahtjevu navesti lično ime koje treba biti važeće i lična imena koja treba poništiti kao nevažeća i navesti konkretne razloge za te podatke. Zahtjev se podnosi kantonalnom ministarstvu koji se utvrđuje prema članu 50a. stav 4. Zakona.

Nakon provedenog upravnog postupka i utvrđenog činjeničnog stanja donosi se rješenje koje u dispozitivu treba da sadrži sljedeće podatke:lične podatke o identitetu lica, lično ime koje je važeće i koje će se upisati u matičnu knjigu rođenih, lična imena koja se poništavaju kao nevažeća i obaveza za matičara da utvrđeno lično ime upiše u matičnu knjigu rođenih i sve ostale matične knjige tog lica u kojima nije istovjetno ličnom imenu koje je utvrđeno u tom rješenju.

Odredba člana 50a. stava 1. Zakona primjenjuje se i na umrlo lice kako je utvrđeno u stavu 3. te zakonske odredbe. Zahtjev za utvrđivanje identiteta umrlog lica i ličnog imena tog lica, mogu podnijeti srodnici umrlog lica iz člana 64. stav 1. Zakona i lica iz odredbe tačke 151. ovog uputstva. U zahtjevu se mora navesti lično ime umrlog lica koje treba biti važeće i lična imena

koja su nevažeća i koja treba poništiti, kao i razloge za utvrđivanje identiteta i ličnog imena umrlog lica, a posebno se moraju navesti nasljedno-pravni interesi, odnosno nasljedna prava srodnika koja su vezana za lično ime umrlog lica i priložiti ili predložiti odgovarajuće dokaze kojima se mogu utvrditi te činjenice. U obzir se uzimaju nasljedna prava koja se ostvaruju putem sudskog postupka ili upravnog postupka kod nadležnih organa ili pravnih lica, kao što su prava iz PIO/MIO, radnog odnosa i drugih prava o kojima odlučuju ti organi i pravna lica. Taj zahtjev se podnosi kantonalnom ministarstvu čija se mjesna nadležnost za umrlo lice određuje prema članu 50.a stav 4. Zakona.

Zahtjev iz stava 5. ove tačke rješava se i rješenje donosi na način utvrđen u st. 2. do 5. ove tačke.

U postupku rješavanja zahtjeva iz st. 3. i 5. ove tačke, koriste se odgovarajući dokazi iz tačke 25. ovog uputstva i drugi dokazi koji mogu potvrditi činjenicu koja se utvrđuje.

Kada doneseno rješenje kantonalnog ministarstva iz st. 4. i 6. ove tačke postane pravosnažno, onda matičar utvrđeno važeće lično ime, kao i poništena lična imena upisuje u matičnu knjigu rođenih i druge matične knjige tog lica u rubriku „Naknadni upisi i zabilješke“.

U rješavanju zahtjeva iz ove tačke ne primjenjuje se Zakon o ličnom imenu.“.

21. U tački 60. stav 5. riječi: „st. 2. i 3.“, zamjenjuju se riječima: „st. 4. i 5.“.

22. U tački 62. stav 1. u trećem redu riječi: „stav 3“ zamjenjuje se riječima „stav 5.“.

23. U tački 72. stav 2. mijenja se i glasi:

„Upis rođenja djeteta u matičnu knjigu rođenih vrši se na osnovu Prijave rođenja djeteta (Obrazac broj 1 ili Obrazac broj 2) i Prijave za upis u matičnu knjigu na Obrazcu broj 14., koje se popunjavaju na način utvrđen u tački 16. stav 4. i tački 17. ovog uputstva. Upis podataka u matičnu knjigu rođenih vrši matičar matičnog područja čija se nadležnost utvrđuje prema članu 13. Zakona. Pod saobraćajnim sredstvom u kojem se dijete rodilo podrazumjeva se svako prevozno sredstvo (automobil, avion, voz, brod i drugo prevozno sredstvo) koje služi za prijevoz ljudi kopnom, morem, jezerom, rijekom i zrakom).“.

24. U tački 75. stav 1. mijenja se i glasi:

„Određivanje ličnog imena djeteta radi upisa u matičnu knjigu rođenih vrši se prema članu 16. Zakona i odredbama st. 2. i 3. ove tačke i mora biti određeno i upisano u okviru osnovnog upisa u matičnu knjigu rođenih kako je utvrđeno u tački 36. stav 3. ovog uputstva.“.

25. U tački 81. stav 2. u drugom i petom redu riječi „akta“ zamjenjuje se riječju „rješenja“.
Stav 3. briše se.

26. U tački 83. iza stava 2. dodaju se novi st. 3. i 4. koji glase:

„Priznanje očinstva i materinstva koje je izvršno pred organom starateljstva, sudom ili notarom ili u testamentu, u skladu sa odredbama čl. 56. do 71. Porodičnog zakona, upisuje se u

matičnu knjigu rođenih djeteta na osnovu akata tih organa kojima je utvrđeno priznanje očinstva ili materinstva. Ako je matičar te akte primio prije zaključivanja osnovnog upisa lično ime oca, odnosno majke djeteta upisuje se u odgovarajuće rubrike osnovnog upisa, a u rubrici „Napomena“ navodi se naziv organa koji je utvrdio priznanje očinstva ili materinstva, naziv, broj i datum tog akta, a ako je matičar te akte primio poslije zaključenog osnovnog upisa, upis priznanja očinstva i materinstva vrši se u rubriku „Naknadni upisi i zabilješke“.

Ako je priznanje očinstva i materinstva izvršeno pred nadležnim matičarom u skladu sa odgovarajućim odredbama čl. 56. do 71. Porodičnog zakona, u tom slučaju nakon provedenog postupka i utvrđenih činjenica predviđenih u tim zakonskim odredbama za priznavanje materinstva i očinstva, matična služba općine i grada dužna je donijeti rješenje o upisu utvrđenog priznanja očinstva i materinstva u matičnu knjigu rođenih djeteta. Ako je priznanje izvršeno prije zaključivanja osnovnog upisa, priznanje očinstva ili materinstva, upisuje se u rubrike osnovnog upisa, a u rubrici „Napomena“ upisuje se rješenje o priznanju očinstva ili materinstva, a ako je priznanje izvršeno poslije zaključenog osnovnog upisa u matičnoj knjizi rođenih djeteta, priznanje se upisuje u rubriku „Naknadni upisi i zabilješke“. Upis priznanja očinstva i materinstva u rubriku „Napomena“ i u rubriku „Naknadni upisi i zabilješke“ vrši se na način utvrđen u tački 87. ovog uputstva“.

27. U tački 84. iza riječi „ministarstva“ dodaju se riječi: „ili u postupku ispravke imena oca ili majke djeteta na osnovu njihovih izvoda iz matične knjige rođenih“.

28. U tački 86. stav 1. podtačka a) mijenja se i glasi:

„a) činjenica „priznanja očinstva i materinstva“ upisuje se u matičnu knjigu rođenih na način utvrđen u tački 83. st. 3. i 4. ovog uputstva.“

Iza podtačke g) dodaje se nova podtačka h) koja glasi:

„h) na osnovu rješenja nadležne matične službe općine i grada koje se donosi na zahtjev roditelja i izjave roditelja djeteta date na zapisnik kod matičara za određivanje novog ličnog imena djeteta nakon priznavanja očinstva ili utvrđivanja ili osporavanja očinstva ili materinstva, koje se vrši prema članu 10. Zakona o ličnom imenu, vrši se upis promjene ličnog imena djeteta u matičnu knjigu rođenih.“

29. Tačka 88. mijenja se i glasi:

„Ako nakon prestanka braka bračni partner uzima prezime koje je imao prije sklapanja braka (rođeno-djevojačko prezime) u tom slučaju upis ranijeg prezimena u matičnu knjigu rođenih tog lica vrši se u postupku naknadnog upisa prema članu 42. Zakona, a u skladu sa uvjetima koji su za ta pitanja uvrđeni u Zakonu o ličnom imenu, kako je predviđeno u članu 25. stav 4. Zakona.

Postupak uzimanja ranijeg prezimena vrši se na pismeni zahtjev bračnog partnera i izjave o uzimanju ranijeg prezimena koju daje na zapisnik kod matičara koji vodi matičnu knjigu rođenih tog lica ili kod matičara u mjestu prebivališta, s tim da je taj matičar dužan zapisnik o uzetoj izjavi u roku do tri dana dostaviti matičaru koji vodi matičnu knjigu rođenih tog lica. Nakon uzimanja izjave na zapisnik, matična služba općine i grada koja vodi matičnu knjigu rođenih tog lica donosi rješenje o upisu ranijeg prezimena u tu matičnu knjigu.

Uzimanje ranijeg prezimena i upis u matičnu knjigu rođenih, prema stavu 1. ove tačke, može se vršiti u roku od šest mjeseci od dana prestanka braka, a po isteku tog roka, uzimanje ranijeg prezimena može se vršiti u postupku promjene prezimena koje na zahtjev stranke rješava i rješenje donosi nadležno kantonalno ministarstvo u skladu sa odredbama Zakona o ličnom imenu.

Na osnovu rješenja iz stava 2. i rješenja kantonalnog ministarstva iz stava 3. ove tačke upis ranijeg prezimena u matičnu knjigu rođenih vrši se u rubriku „Naknadni upisi i zabilješke“.

30. U tački 89a. stav 2. na kraju teksta dodaje se nova rečenica koja glasi:

„To rješenje se donosi nakon što se utvrde podaci i činjenice koje nedostaju u rješenju, odnosno odluci kojom je odlučeno o sticanju državljanstva, a vrši se dokazima iz tačke 25. ovog uputstva.“

31. U tački 95. stav 1. na kraju teksta tačka se briše i dodaju riječi: „što se odnosi na lica utvrđena u članu 44. stav 1. Pravilnika o državljanstvu.“

U stavu 2. na kraju teksta, tačka se zamjenjuje zarezom i dodaju riječi: „osim za lica iz člana 6. Pravilnika o državljanstvu čije se državljanstvo upisuje u matičnu knjigu državljana prema članu 10. st. 5. i 6. tog pravilnika.“

32. U tački 99. stav 1. mijenja se i glasi:

„Podatke o prestanku državljanstva Federacije, zbog sticanja državljanstva Republike Srpske na osnovu rješenja nadležnog organa Republike Srpske o promjeni entitetskog državljanstva, matičar upisuje u rubriku „Naknadni upisi i zabilješke“ matične knjige rođenih tog lica, a ako je činjenica državljanstva Federacije tog lica upisana u matičnu knjigu državljana iz člana 21. Zakona, u tom slučaju promjena entitetskog državljanstva upisuje se u odgovarajuću matičnu knjigu državljana u rubriku „Naknadni upisi i zabilješke“.“

33. U tački 111. stav 1. alineja 2. briše se. **(ovo treba razmotriti)**

34. Naziv naslova koji se nalazi iznad tačke 112. koji glasi: „d) Utvrđivanje nepostojećeg braka“ zamjenjuje se nazivom „d) Utvrđivanje postojanja braka“.

35. U tački 112. u prvom redu riječ „se“ zamjenjuje se riječima „matična služba općine i grada“, a u trećem redu iza riječi „rođenih“, dodaju se riječi: „a ne postoje druge javne isprave koje sadrže podatke o postojanju braka“.

36. U tački 123. stav 1. riječi „50. stav 2“, zamjenjuju se riječju „50a.“.

37. U tački 125. iza stava 1., dodaje se novi stav 2. koji glasi:

„Upis činjenice rođenja, sklapanja braka ili smrti na osnovu izvoda iz stava 1. ove tačke , u matične knjige u Federaciji vrši se na pismeni zahtjev stranke i izvoda iz matične knjige inozemnog organa koji je stranka dužna priložiti uz zahtjev, kako je utvrđeno u članu 55. stav 1. Zakona. Zahtjev se podnosi na obrazcu broj 2. koji se nalazi u prilogu ovog uputstva.“.

36. U tački 126. stav 1. mijenja se i glasi:

„Izvodi iz tačke 125. ovog uputstva moraju biti prevedeni od sudskog tumača na jedan od službenih jezika i pisama Federacij, ako nisu izdati na obrascima propisanim Bečkom ili Pariškom konvencijom o izdavanju izvoda iz matičnih knjiga namjenjenih inozemstvu (Konvencije navedene u tački 135. stav 1. podtačka a) i b) ovog uputstva.“.

Iza stava 4. dodaje se novi stav 5. koji glasi:

„Kada u izvodu matične knjige rođenih , matične knjige vjenčanih i matične knjige umrlih inozemnog organa nema podataka o roditeljima djeteta ili o bračnom partneru ili o bračnom stanju ili drugih podataka koji se upisuju u matičnu knjigu , u tom slučaju se ti podaci na pismeni zahtjev stranke utvrđuju u upravnom postupku kako je utvrđeno u članu 55. stav 2. Zakona. Stranka je dužna u zahtjevu navesti podatke koje treba utvrditi i priložiti odgovarajuće dokaze kojima se mogu ti podaci utvrditi. U tom postupku koriste se dokazi iz tačke 25. ovog uputstva i drugi dokazi koje pribavi stranka. Nakon provedenog postupka i utvrđenog činjeničnog stanja matična služba općine i grada donosi rješenje koje sadrži podatke koje treba upisati u matičnu knjigu. Rješenje donosi matična služba općine i grada koja je prema članu 54. Zakona, nadležna za upis tih podataka u matičnu knjigu. Ako se rješenje donese prije zaključenja osnovnog upisa, u rubrici „Napomena“ navodi se rješenje na osnovu kojeg su podaci upisani, a ako se rješenje donese poslije zaključenja osnovnog upisa, podaci se upisuju u rubriku „Naknadni upisi i zabilješke“.“.

39. Tačka 135. mijenja se i glasi:

„135. Prije upisa podataka u matičnu knjigu na osnovu izvoda inozemnog organa iz tačke 125. ovog uputstva, matičar je dužan utvrditi da li je taj izvod legalizovan na propisan način , što se vrši prema sljedećim propisima, i to:

a) ako je izvod iz matične knjige inozemnog oragana izdala država koja je potpisinica Konvencije o izdavanju izvoda iz matičnih knjiga na više jezika- sačinjena u Beču 8. septembra 1976. godine („Službeni list SFRJ-Međunarodni ugovori“, br. 8/91) i ako je izvod izdat na obrascu A, B i C utvrđen u toj konvenciji , nije potrebna dodatna ovjera tih izvoda već se uzimaju kao pravno valjani i primjenjuju za upis u matične knjige u Federaciji;

b) ako je izvod iz matične knjige inozemnog organa izdala država koja je potpisnica Konvencije o ukidanju potrebne legalizacije stranih isprava –Hag 5. oktobar 1961. godine („Službeni list SFRJ-Dodatak“, broj: 10/62 i „Službeni list SFRJ-Međunarodni ugovori“, br. 10/62), legalizacija tog izvoda se vrši potvrdom- Apostille utvrđen u prilogu te konvencije, koju daje nadležni organ države koja je izdala izvod iz matične knjige i druga ovjera nije potrebna ako to pitanje nije drugačije regulisano međunarodnim ugovorom zaključen između Bosne i Hercegovine i države koja je izdala taj izvod iz matične knjige u kom slučaju se primjenjuje taj ugovor;

c) ako je izvod iz matične knjige inozemnog organa izdala država koja nije potpisnica Haške konvencije i sa kojom Bosna i Hercegovina nije zaključila međunarodni ugovor o priznavanju javnih isprava, legalizacija tog izvoda vrši se na način utvrđen u članu 9. stav 2. Zakona o važenju javnih isprava u Bosni i Hercegovini („Službeni glasnik BiH“, broj: 23/04);

d) ako je izvod iz matične knjige inozemnog organa izdala država sa kojom je Bosna i Hercegovina zaključila međunarodni ugovor o priznavanju javnih isprava – legalizacija tog izvoda vrši se prema uvjetima koji su utvrđeni u tom ugovoru, kako je utvrđeno u članu 9. stav 1. Zakona o važenju javnih isprava u Bosni i Hercegovini.

Punomoć koju stranka izdaje u inostranstvu radi korištenja u postupku upisa podataka u matične knjige iz tačke 125. ovog uputstva u Federaciji, treba biti legalizovana na način utvrđen u pod tački b) ili c) ili d) stava 1. ove tačke“.

40. U tački 138. stav 1., posljednja rečenica, iza riječi „Hercegovina“ stavlja se tačka, a preostali dio teksta se briše.

41. Iza tačke 149. dodaje se nova tačka 149a. koja glasi:

„149a. Kada budući bračni partneri u skladu sa Porodičnim zakonom Federacije BiH, pismeno zatraže da se svečani čin sklapanja braka izvrši van prostorija općine i grada koje su namjenjene za sklapanje braka, iznošenje matične knjige vjenčanih iz prostorija općine ili grada, može se vršiti samo na osnovu odobrenja koje na prijedlog matičara donosi općinski načelnik, odnosno gradonačelnik. Odobrenje se izdaje u obliku rješenja koje sadrži lične podatke budućih bračnih partnera, mjesto i vrijeme sklapanja braka i razlog davanja odobrenja.

Odobrenje se može izdati samo kada postoje opravdani razlozi kao što su slučajevi da se jedan budući bračni partner nalazi na liječenju u bolnici ili nepokretan kod kuće ili smješten u domu ili se nalazi na izdržavanju kazne zatvora ili drugi opravdani razlozi koje ocijeni načelnik, odnosno gradonačelnik.

Matičar koji vrši sklapanje braka dužan je matičnu knjigu vjenčanih iznijeti iz službenih prostorija općine i grada na sat vremena prije predviđenog za sklapanje braka i u roku od sat

vremena po završetku sklapanja braka matičnu knjigu vjenčanih vratiti u prostorije općine i grada u kojima se čuva. U tom periodu matična knjiga se mora nositi u posebnoj tašni.

U periodu iz stava 3. ove tačke, matičar je dužan preduzeti mjere da matična knjiga vjenčanih ne dođe u posjed neovlaštenih lica, da se ne ošteti ili izgubi i u tom cilju ima obavezu preduzimati mjere zaštite utvrđene Zakonom o zaštiti ličnih podataka („Službeni glasnik BiH“, broj: 49/06).

Matična služba općine i grada je dužna voditi evidenciju o iznošenju matične knjige vjenčanih van službenih prostorija u uvjetima iz stava 1. ove tačke. Evidencija se vodi u vidu knjige koja sadrži: lične podatke bračnih partnera, dan, vrijeme i mjesto sklapanja braka, broj i datum rješenja o odobravanju iznošenja matične knjige vjenčanih van prostorija općine i grada i ime i prezime matičara i njegov puni potpis koji je nosio matičnu knjigu vjenčanih, odnosno sklopio brak“.

42. Iza tačke 155. dodaje se nova tačka 155a., koja glasi:

„155a. Matična služba općine i grada može izdavati izvode iz matičnih knjiga iz tačke 155. ovog uputstva, samo na obrascima izvoda koji se nabavljaju putem Federalnog ministarstva na način utvrđen u čl. 19. do 22. Pravilnika o obrazcima matičnih knjiga i drugim aktima iz matičnih knjiga („Službene novine Federacije BiH“, br. 86/12, 25/13, 36/13 i 45/13) , a ne na fotokopiranim obrazcima ili obrazaca koji su izrađeni na drugi način, jer papir tih obrazaca ne sadrži elemente zaštite iz člana 13. tog pravilnika.“.

43. U tački 193. stav 1. broj „184“ zamjenjuje se brojem „192“.

44. U tački 194. stav 2. riječi: „Naknadni upisi i zabilješke“, zamjenjuju se riječju: „Napomena“.

45. Ovo uputstvo stupana na snagu narednog dana od dana objavljivanja u „Službenim novinama Federacije BiH“.

Broj: 01-03-
_____ 2014. godine
Sarajevo

MINISTAR
Predrag Kurteš